



Seachtain na Scoileanna Caitliceacha 2010

Lóchrann don Uile Ghlúin

Acmhainní do Phobal na Bunscoile: Sa Bhaile, Ar Scoil, agus sa Pharóiste



Acmhainní Bunscoile

Seachtain na Scoileanna Caitliceacha 2010



● Fáilte	1
● Réamheolas	2
Sula dTosaíonn Tú	
Áit Naofa	
3 Feabhra Lá Féile Blaise Naofa/ Lá na Seantuismitheoirí inár Scoil	
Cad is Brí le ‘Seachtain na Scoileanna Caitliceacha’?	
Cad is Scoil Chaitliceach Ann ?	
Conas Ceiliúradh a Dhéanamh ar ‘Seachtain na Scoileanna Caitliceacha’ Mar Dheoise	
● Sa Bhaile	8
Lóchrann don Uile Ghlúin	
● Ar Scoil	10
Páidir na Maidine le Tús a Chur le ‘Seachtain na Scoileanna Caitliceacha’	
1 Feabhra Naomh Bríd Muire na nGael Scéal Naomh Bríd	
Cros Bhríde	
Déan do Chros Bhríde Féin	
2 Feabhra Lá Féile Toirbhirt an Tiarna	
Tionóil ar Lá Féile Blaise Naofa/ Lá na Seantuismitheoirí	
● Ar Scoil/Sa Pharóiste	20
3 Feabhra Lá Féile Blaise Naofa/ Lá na Seantuismitheoirí	
19 Meitheamh 2009 – 11 Meitheamh 2010 Ceiliúradh ar ‘Bliain na Sagart’	
31 Eanáir – 7 Feabhra ‘Seachtain na Scoileanna Caitliceacha’ inár Scoil, Ár bParóiste	
○ Bord Bainistíochta/Gobharnóirí	25
Machnamh do Bhaill an Bhoird Bainistíochta/Gobharnóirí agus don Fhoireann	
○ Sa Pharóiste	27
Conas ‘Seachtain na Scoileanna Caitliceacha’ a Cheiliúradh ar Scoil agus sa Pharóiste	
31 Eanáir 2010 Aifreann le tús a chur le ‘Seachtain na Scoileanna Caitliceacha’	



Seachtain na Scoileanna Caitliceacha 2010

A Chathaoirligh Ionúin, a Phríomhoide, a Aithreacha, a Bhaill den Fhoireann Paróiste,

Láithreacha tábhachtacha atá inár scoileanna. Caithimid cuid mhaith ama iontu. Tá cuid shuntasach de na blianta múnlaiteacha, idir ceithre bliana agus cúig bliana d'aois, agus idir seacht mbliana déag agus ocht mbliana déag d'aois san áireamh anseo.

Nuair a fheidhmíonn scoileanna i ngiorracht do, nó ag barr foirfeachta, mórghníomhartha daonna iontacha atá iontu. Áiteanna sábháilte atá iontu don aos óg inar féidir leo súgradh, guí agus foghlaim a dhéanamh, inar féidir le hógánaigh fás agus forbairt níos doimhne a dhéanamh i saol morálta, intleachtach, mothúchánach. Baineann múinteoirí úsáid as an gcumas pearsanta agus proifisiúnta atá iontu chun dúshlán a chur roimh ghlúin nua, chun iad a mhúnlú. Tugann tuismitheoirí agus daoine fásta eile dá gcuid ama agus dá gcuid airgid chun tacú leis an bhfiontar oideachasúil seo. Bímid ag súil le go mbeidh cumas san ógánach atá seacht mbliana nó ocht mbliana déag d'aois, atá saor, réasúnach agus ábalta tabhairt faoi chaidreamh aibí, dul ar aghaidh thar tairseach chuig ardoideachas nó an saol oibre.

Ionas gur féidir le scoileanna feidhmiú i ngiorracht do, nó ag barr foirfeachta tá gá le tacaíocht agus dúshlán ón bpobal leathan. Seal tábhachtach do Chaitlicigh in Éirinn is ea 'Seachtain na Scoileanna Caitliceacha', le go bhféadfaidís dlúthpháirtíocht a léiriú le hiomlán na ndaoine atá páirteach sa scolaíocht. 'Sé téama na bliana seo ná **'Scoileanna Caitliceacha-Lóchrann don Uile Ghlúin'**.

Tugann **'Scoileanna Caitliceacha-Lóchrann don Uile Ghlúin'**, le fios go mbaineann múinteoirí, daltaí, sagairt, agus an pobal leathan leis an iarracht seo. Bíonn cuid mhaith cainte sa lá atá inniu ann faoin ngá atá ann go bhfeidhmeoidh an teaghlach, an scoil agus an paróiste le chéile, chun spriocanna an oideachais Chaitlicigh a bhaint amach. Séard atá sa tseachtain seo ná iarracht inbhraite den gcomharghluaiseacht úd.

Ag an am seo de chúlú tromchúiseach eacnamaíoch, bíonn cathú ann i gcónaí an croí is an t-anam a bhaint den oideachas le go bhféadfaí í a chur in oiriúint don mhargadh. Ach cén cruth a bheadh ar an oideachas gan cheol, gan mhatamaitic, gan eolaíocht, gan litríocht ná eolas diaga, gan teicneolaíocht, ealaín ná tíreolaíocht? Ní contrárthacht ná iomaíocht atá i gceist anseo, ach disciplíní a chuirfeadh ábhar don anam is don intinn ar fáil, ach go háirithe san atmaisféar éiginnte eacnamaíoch atá ann faoi láthair.

Ní ar mhaithe leis an margadh a bunaíodh na scoileanna Caitliceacha, ach chun cabhair a chur ar fáil le go gcuirfí le forbairt an duine daonna a mhaireann ar scáth a mhuintire agus leas an phobail i gcoitinne á chur chun cinn acu. Mar thacaíocht do na scoileanna, bhunaigh an Eaglais in Éirinn "Seirbhís Tacaíochta na nIontaobhaithe" i dTuaisceart Éireann, agus le déanaí "Comhpháirtíocht na Scoileanna Caitliceacha" sa Phoblacht. Déanfaidh an comhlachas comhpháirtíochta seo gach iarracht tacaíocht a chur ar fáil do gach uile bhunscoil agus scoil dhara leibhéal Caitliceach i bPoblacht na hÉireann.

D'éirigh thar barr le 'Seachtain na Scoileanna Caitliceacha' i 2009. Bíodh baint agaibh le bhur dtoil, le himeachtaí na seachtaine a bhaineann le do cheantair féin i 2010!



Michael Drumm

An tAthair Michael Drumm
Cathaoirleach Feidhmiúcháin
Comhpháirtíocht na Scoileanna Caitliceach



Sula dTosaíonn Tú

Sula dTosaíonn Tú

Tá na hacmhainní sa phacáiste curtha le chéile dóibhsan atá ag obair i gcomhpháirtíocht le pobal na scoile. Is féidir na hacmhainní a úsáid le:

- Mic léinn sa seomra ranga
- Baill fhoirne
- Tuismitheoirí
- Gobharnóirí/Baill den Bhord Bainistíochta
- Pobal leathan an Pharóiste

Ionas go mbeidh na hacmhainní insroichte go hiomlán cuireadh pacáiste chuig gach aon phríomhoide, chuig cathaoirligh na mBord Bainistíochta/Gobharnóirí agus chuig na sagairt.

Tá na hacmhainní a bheadh oiriúnach do na spriocghrúpaí éagsúla le sonrú go soiléir sa phacáiste. Chabhródh sé dá bhféadfaí cruinniú a reáchtáil roimh ré a thabharfadh le chéile ionadaithe ón bhfoireann, ón mBord Bainistíochta/Gobharnóirí, ón gcomhlachas tuismitheoirí, ó fhoireann an pharóiste leis an séiplíneach sula dtosódh ‘Seachtain na Scoileanna Caitliceacha’.

P

Nuair a fheiceann tú an tsiombail thíos, is féidir an leathanach cóipeáilte a chur abhaile chuig tuismitheoirí

Chiallódh sé seo go bhféadfaí socruithe a dhéanamh cad iad na gnéithe de na hacmhainní a dhéanfadh pobal do scoile féin a aibhsiú i rith na seachtaine.

I measc na gceisteanna a bheadh le plé ag a leithéid de chruinniú bheadh caint faoi:

- Aifreann tosaigh ‘Seachtain na Scoileanna Caitliceacha’
- Cumarsáid le tuismitheoirí
- Cruinniú ar Lá Féile Blaise Naofa/Lá na Seantuismitheoirí
- Lá na Seantuismitheoirí, 3 Feabhra
- Tionscnaimh sa pharóiste a dhéanfadh ceiliúradh ar an tseachtain
- Am a chur ar fáil le go bhféadfaid an fhoireann is an Bord Bainistíochta/Gobharnóirí machnamh a dhéanamh faoi ‘Seachtain na Scoileanna Caitliceacha’

Tá súil againn go mbeidh na hacmhainní seo úsáideach daoibh agus sibh ag ceiliúradh ‘Seachtain na Scoileanna Caitliceacha’ i mbliana. Is féidir na hacmhainní a íoslódáil as Gaeilge agus as Polainnis ag www.catholicbishops.ie.

D’ullmhaigh na daoine seo leanas na hacmhainní: Bairbre Cahill, Aodhan Cannon, Mícheál Kilcrann, Elaine Mahon agus Maeve Mahon i gcomhairle leis an gCoiste Stiúrtha do

‘Seachtain na Scoileanna Caitliceacha’ 2010. Is iad baill an Choiste Stiúrtha ná:

Monsignor Jim Cassin, Fr Ger Condon, Fr Martin Delaney, Fr Paul Farren, Ms Eileen Flynn, Sr Maighréad Ní Gallochóhair, Ms Tonya Hanly, Ms Maura Hyland, Mr Ferdia Kelly, Ms Maeve Mahon, Ms Bernie Martin, Mr Tony McCann, Ms Orla Walsh agus an tSr Eithne Woulfe



Seachtain na Scoileanna Caitliceacha 2010

Áit Naofa

Tá Áit Naofa cruthaithe ag an-chuid scoileanna ar an mbealach isteach chun na háite. Is féidir aitheantas a thabhairt d'Éiteas na scoile ar bhealach simplí ag baint úsáide as an Áit Naofa. Tugann an ceiliúradh seo de 'Seachtain na Scoileanna Caitliceacha' deis dúinn Áit Naofa a chruthú mura mbíonn ceann againn cheana féin, agus is féidir fócas nua bheith ann do láithreacha seanbhunaithe.

Is cinnte go mbeidh na nithe seo ann mar bhuneilimintí:

- Éadach glas a chiallaíonn go bhfuilimid i dtráth saor na bliana.
- Coinneal
- An Bíobla Naofa
- Crois nó cros chéasta
- Uisce coisricthe
- Dealbh

Le haghaidh 'Seachtain na Scoileanna Caitliceacha' b'fhéidir go bhféadfá cuid de na rudaí seo bheith ann chomh maith:

- Cóip fhrámaíthe de Ráiteas Éitis na scoile
- Liosta iomlán de bhaill fhoireann na scoile
- Póstaer mar fhógra do 'Seachtain na Scoileanna Caitliceacha'
- Bosca nó ciseán achainí le go bhféadfá cuireadh a thabhairt do bhaill phobal na scoile a gcuid achainí a chur isteach ann i rith na seachtaine chun guí a dhéanamh ar a son ag teacht le chéile nó seirbhís urnaí
- Mana na scoile, suaitheantas na scoile, éarlámh na scoile

De réir mar a théann an tseachtain ar aghaidh, d'fhéadfaí na rudaí seo leanas a chur leis

An Luan

- Crosóg Bhríde/Crosa
- Póstaer ag fógairt Lá na Seantuismitheoirí

An Mháirt

- Toisc gur inniu Lá Domhanda an tSaoil Coisricthe d'fhéadfaí pictiúir a chrochadh nó paidir a rá chuig an bhunaitheoir sna scoileanna a bhunaigh ord rialta nó comhlúadar

An Chéadaoin

- Coinneal a lasadh do Lá Féile Blaise Naofa
- Meirge a ardú le fáilte a chur roimh sheantuismitheoirí a thiocfaidh ar cuairt inniu

An Déardaoin

- Paidir do na Sagairt a chur san Áit Naofa

An Aoine

- Más rud é gur bailíodh obair na seachtaine, d'fhéadfaí é a chur san Áit Naofa
- D'fhéadfaí pictiúir ó chuairt na seantuismitheoirí a chrochadh freisin

Ionaid Taispeántais

Múinteoirí a spreagadh chun taispeántais a chur ar fáil taobh istigh nó taobh amuigh den seomra ranga a thugann léargas ar shaol Caitliceach na scoile.

Áit Naofa

Ionad Taispeántais





3 Feabhra Lá Féile Blaise Naofa Lá na Seantuismitheoirí Inár Scoil

3 Feabhra
Lá Féile Blaise
Naofa Lá na
Seantuismitheoirí
Inár Scoil

Réamheolas

Nod do Mhúinteoirí

Ag Ullmhú do Lá
na Seantuismitheoirí



Réamheolas

Bíonn seantuismitheoirí mar chuid riachtanach de shaol an teaghlaigh agus an phobail. Cabhraíonn siad linn guí a dhéanamh agus breis eolais a fháil faoi Dhia. Sin an fáth gur chinneamar ar lá faoi leith, Lá na Seantuismitheoirí, bheith ann mar chuid de ‘Seachtain na Scoileanna Caitliceacha’. Tá súil againn go gcuirfidh an lá seo ar bhur gcumas am agus saoirse a thabhairt daoibh an grá atá agat dóibh a léiriú dod’ sheantuismitheoirí, agus cé chomh speisialta is atá siad. Tá deis anseo am a chaitheamh le do sheantuismitheoirí agus taitneamh a bhaint as!

Nod do Mhúinteoirí

An aidhm atá le Lá na Seantuismitheoirí inár scoileanna ná deis a thabhairt do na seantuismitheoirí am fiúntach a chaitheamh leis an ngarchlann agus deis a thabhairt dóibh bheith páirteach i stair an teaghlaigh. Chomh maith le sin, spreagtar an gharchlann críonnacht a fhoghlaim ó na daoine aosta agus cion bheith acu dóibh. Do na páistí sin nach féidir lena muintir bheith i láthair, d’fhéadfaí cuireadh a thabhairt do sheanóirí aitheanta ón gcomhlúadar bheith ann ar an lá mór.

Ag Ullmhú do Lá na Seantuismitheoirí

- Socraigh ar am tosaithe agus am scoir do na seantuismitheoirí bheith ar scoil
- Iarr ar na daltaí cuirí a dhéanamh do na seantuismitheoirí
- Déan fógraíocht faoi Lá na Seantuismitheoirí
- Maisigh Ionad Tionóil na scoile/seomraí ranga le pictiúir, fógraí fáilte agus araile
- Déan cinneadh faoi láthair na seirbhíse urnaí – an seirbhís scoile nó seirbhís don rang indibhidiúil a bheidh ann?
- Tabhair cuireadh do shéiplíneach na scoile bheith i láthair
- Socraigh ar imeachtaí do na seantuismitheoirí agus na páistí

Scríobh paidir le chéile

Bíodh seantuismitheoirí ag cur síos ar a laethanta scoile

Bíodh seantuismitheoirí ag léamh scéalta do na leanaí

Bíodh seantuismitheoirí ag trácht ar an gcreideamh atá acu. Déan líniócht/dathú le chéile

- An bhféadfadh an scoil cupán tae a chur ar fáil do sheantuismitheoirí, nó an bhféadfaidís lón a roinnt leis na daltaí?



dearadh gréasáin

póstaeir ealaíne

filíocht

grianghraif

aiste

saothair ceoil





Seachtain na Scoileanna Caitliceacha 2010

Cad is brí le ‘Seachtain na Scoileanna Caitliceacha’?

Tugann ‘Seachtain na Scoileanna Caitliceacha’ deis dúinn aitheantas a thabhairt agus ceiliúradh a dhéanamh ar an ionchur a dhéanann na scoileanna Caitliceacha den chéad agus den dara leibhéal ní amháin don tsochaí Éireannach ach do mhisean na hEaglaise chomh maith. Chuireamar tús suntasach anuraidh le ceiliúradh uile-Éireann ‘Seachtain na Scoileanna Caitliceacha’ agus táimid ag súil i mbliana le tógáil ar an mbunchloch úd agus ionad a chruthú inar féidir linn leanúint leis an deis a ghlacadh lenár n’éiteas agus ár n’oidhreacht a cheiliúradh is a chur in iúl.

Cén Téama atá le ‘Seachtain na Scoileanna Caitliceacha’ i 2010?

Téama na seachtaine i mbliana ná **‘Scoileanna Caitliceacha – Lóchrann don Uile Ghlúin’**. Bíonn Scoileanna Caitliceacha tiomanta ó thaobh an oideachais de, do mhúnlú an duine óig i ngach aon ghné den saol. Mar sin, is lóchrann an Scoil Chaitliceach do thuismitheoirí, do mhúinteoirí, don tsochaí i ngach uile ghlúin. Roghnaíomar an téama seo chun fíis an oideachais Chaitlicigh a cheangail le misean an tSoiscéil solas Chríost a thabhairt timpeall an domhain agus ligean don solas seo lonrú go geal i ngach gné den obair a dhéanaimid sna scoileanna Caitliceacha. Cuireann an téama seo i gcúimhne dúinn go bhfuil dúshlán romhainn ligean don solas lonrú don ghlúin atá ann faoi láthair, le go leanfaimid leis an tasc seo do na glúine atá romhainn. Tugann sé deis dúinn chomh maith cuimhne bhuíoch bheith againn ar na daoine a d’oibrigh chun scoileanna agus ionaid oideachais a bhunú a thug solas Chríost chuig an iliomad glúine d’Éireannaigh san am atá thart.

An le hAghaidh Scoileanna amháin, ‘Seachtain na Scoileanna Caitliceacha’?

Tarlóidh na himeachtaí atá luaite le ‘Seachtain na Scoileanna Caitliceacha’ i scoileanna, sna paróistí, sa deoise agus go náisiúnta. Cabróidh na hacmhainní atá sa phacáiste seo leis an gceiliúradh a scaipeadh i measc teaghlaigh ar fud na tíre. Tá acmhainní ann chomh maith a chuideoidh leis an deoise agus leis an bparóiste bheith gníomhach maidir leis an gceiliúradh seo. D’iarr an Pápa Benedict XVI guí i mbliana ach go háirithe ar mhaithe le sagairt, agus mar sin tá acmhainní ann le pobal na scoile a spreagadh chun freagra dearfach a thabhairt don iarratas seo. Táimid ag súil le gur féidir na hacmhainní éagsúla a úsáid le go dtabharfaí aitheantas do mhisean lánach na scoileanna san Eaglais, ag an mbaile, agus sa pharóiste i rith na seachtaine seo.

Ról na Seantuismitheoirí i ‘Seachtain na Scoileanna Caitliceacha’

Don chéad uair beimid ag tabhairt cuireadh do na Seantuismitheoirí páirt a ghlacadh. Tá an **Chéadaoin 3 Feabhra** á ainmniú mar **‘Lá na Seantuismitheoirí’** agus tá súil againn go ndéanfaidh scoileanna cuireadh a thabhairt do sheantuismitheoirí teacht ar scoil lena ngarchlann chun páirt a ghlacadh i gcuid de na himeachtaí a luamar sa phacáiste acmhainní seo. Tá áthas orainn aitheantas a thabhairt d’Oilithreacht Náisiúnta na Seantuismitheoirí a thug tacaíocht agus cabhair dúinn, agus táimid ag súil le go mbeidh an ócáid seo mar chuid den chomóradh bliantúil.

Conas is Féidir Liom Páirt a Ghlacadh?

Bí ag faire amach sna meáin áitiúla agus náisiúnta le haghaidh imeachtaí atá bainteach le ‘Seachtain na Scoileanna Caitliceacha’. Cuir ceist ar an bPríomhoide áitiúil/Comhlachas Tuismitheoirí/Bord Bainistíochta/Gobharnóirí /Ionadaí conas a bheidh ceiliúradh a dhéanamh ar scoil maidir le ‘Seachtain na Scoileanna Caitliceacha’. Tá eolas breise ar fáil ar www.catholicbishops.ie.

Cad is brí le ‘Seachtain na Scoileanna Caitliceacha’?

Cén Téama atá le ‘Seachtain na Scoileanna Caitliceacha’ i 2010?

An le hAghaidh Scoileanna Amháin, ‘Seachtain na Scoileanna Caitliceacha’?

Ról na Seantuismitheoirí i ‘Seachtain na Scoileanna Caitliceacha’

Conas is Féidir Liom Páirt a Ghlacadh?





Cad Is Scoil Chaitliceach Ann?

Cad is Scoil Chaitliceach ann?

An Scoil Chaitliceach



Sa Scoil Chaitliceach:

- Cuirtear fis shainiúil saoil ar fáil agus fealsúnacht chuí oideachais atá bunaithe ar Shoiscéal Íosa Críost.
- Déantar gach iarracht timpeallacht foghlama a chruthú ina spreagtar agus ina gcabhraítear le páistí a gcumais iomlán uathúil a fhorbairt mar dhaoine daonna, déanta in íomhá Dé.
- Déantar iarracht mic léinn a mhúnlú chun go n-úsáidfí siad a gcuid tallann go neamhleithleach ar mhaithe leis an bpobal, chun sochaí chóir chomhbhách a chruthú.
- Tá pobal fáilteach cuimsitheach fulangach ann le meas ar gach traidisiún reiligiúnach agus creidimh.
- Bíonn comhoibriú comhpháirtíoch le tuismitheoirí agus le pobal an pharóiste chun solas an chreidimh a tugadh dúinn ag an mBaiste a adhaint.

- Cuirtear deiseanna adhartha ar fáil trí phaidreoireacht agus trí cheiliúradh an liotúirge agus na sacraimintí.

Bunaithe ar *Fís o8: Fís don Oideachas Caitliceach in Éirinn* (Litir Thréadach ó Chomhdháil na nEaspag Caitliceach in Éirinn).





Conas Ceiliúradh a Dhéanamh ar 'Seachtain na Scoileanna Caitliceacha' Mar Dheoise

Moltaí

Cuir litir chuig gach uile scoil agus paróiste agus spreag iad chun ceiliúradh a dhéanamh ar 'Seachtain na Scoileanna Caitliceacha' agus ag an am céanna buíochas a ghabháil leis na scoileanna as an méid atá á dhéanamh acu maidir le hoideachas Caitliceach a chothú.

Déan machnamh faoin gclár **Wellsprings** a thosú (mura mbíonn sé idir lámha cheana féin) chun éiteas Caitliceach na scoile a fhorleathnú. Beidh ionadaí an deoise den CPSMA ábalta acmhainní agus araile a chur ar fáil.

Smaoinigh ar **Aifreann Deoise** a reáchtáil le hionadaithe ón uile scoil, ón gcéad leibhéal chomh maith leis an dara leibhéal, a chuirfeadh deis ar fáil dóibh bheith páirteach sa phobal leathan. D'fhéadfaí é seo a dhéanamh ag leibhéal na ndéan.

D'fhéadfaid an tEaspag **litir phearsanta** a sheoladh chuig gach aon bhall de Bhord Bainistíochta/Gobharnóirí ag gabháil buíochais leo as ucht a gcuid ama a thabhairt don scoil, agus iad á spreagadh chun machnamh a dhéanamh ar éiteas Caitliceach na scoile agus conas tacú leis. Ba cheart litir den saghas seo a chur chuig seoladh baile an bhaill, agus gan cóip a dháileadh ag cruinniú den Bhord.

Poiblíocht sna meáin a dhéanamh faoi 'Seachtain na Scoileanna Caitliceacha' in ailt i nuachtáin, agallaimh ar raidió, agus araile.

Tabhair cuireadh do mhúinteoirí, do thuismitheoirí, do bhaill Bhoird Bainistíochta/Gobharnóirí agus Comhairlí Tréadacha ar fud na deoise chuig **imeacht thráthnóna** bunaithe ar thopaic a bhaineann leis an Oideachas Caitliceach m.sh., ar *Fís 08: Fís don Oideachas Caitliceach in Éirinn*. (Litir Thréadach ó Chomhdháil na nEaspag Caitliceach in Éirinn).

Conas Ceiliúradh a Dhéanamh ar 'Seachtain na Scoileanna Caitliceacha' Mar Dheoise

Moltaí





P

Lóchrann don Uile Ghlúin

Lóchrann don Uile Ghlúin

Cad is 'Seachtain na Scoileanna Caitliceacha' Ann?

Conas is Féidir a Rá go bhfuil Scoil Chaitliceach againn?



Cad is 'Seachtain na Scoileanna Caitliceacha' Ann?

Tugann 'Seachtain na Scoileanna Caitliceacha' deis don uile dhuine atá páirteach san Oideachas Caitliceach aitheantas a thabhairt agus ceiliúradh a dhéanamh ar an ionchur a dhéanann na scoileanna Caitliceacha do gach aon ghné den saol in Éirinn. Chuireamar tús suntasach anuraidh le ceiliúradh na seachtaine seo ar fud na hÉireann. D'éirigh thar barr leis agus táimid ag súil i mbliana le tógáil ar an mbunchloch úd agus ionad a chruthú inar féidir linn leanúint leis, is an deis a ghlacadh lenár n-éiteas agus ár n-oidhreacht a cheiliúradh is a chur in iúl.

Tá súil againn go ndéanfaidh gach aon bhall de phobal na scoile, daltaí, tuismitheoirí, baill fhoirne, Bord Bainistíochta/Gobharnóirí am a ghlacadh chun machnamh a dhéanamh faoin mbrí atá le bheith páirteach i Scoileanna Caitliceacha agus conas is fearr tacú leis an obair iontach a bhíonn ar siúl iontu.

Conas is Féidir a Rá go bhfuil Scoil Chaitliceach againn?

Tá na ráitis seo leanas bunaithe ar *Fis o8*, doiciméad a d'fhoilsigh Easpaig Éireann anuraidh. Cabhraíonn siad le tuiscint bheith againn faoi na cúinsí a bhaineann le scoil bheith Caitliceach. Glac nóiméad led' thoil i rith 'Seachtain na Scoileanna Caitliceacha' chun na ráitis seo a léamh.

Tugann na Scoileanna Caitliceacha cineál uathach oideachais a chaitheann solas an chreidimh ar gach a dtarlaíonn maidir le pobal na scoile.

Bíonn na Scoileanna Caitliceacha fréamhaithe i luachanna pearsanta atá bunaithe ar Shoiscéal Íosa Chríost.

Sna Scoileanna Caitliceacha spreagtar na páistí chun a gcuid cumais iomlán uathúil a fhorbairt.

Cuireann Scoileanna Caitliceacha rompu féin timpeallacht oscailte, spreagúil, sona, comhbháich a chruthú ina spreagtar na daltaí chun a gcuid cumais agus tallann a fhorbairt ar bhealach cothrom, flaitiúil, comhtháite.

Cabhraíonn na Scoileanna Caitliceacha leis na mic léinn bheith mar chuid fhreagrach, comhbháich den tsochaí.

Oibríonn na Scoileanna Caitliceacha go dlúth le tuismitheoirí agus le pobal an pharóiste chun ardoideachas a chur ar na daltaí atá faoina gcúram.



Seachtain na Scoileanna Caitliceacha 2010

Ábhar Machnaimh

- Bain triail as ainm scoile do pháiste a chur le tosach gach ráiteas anseo. An dtugann na ráitis seo léiriúchán faoi scoil do pháiste féin?
- Cad is féidir leatsa mar thuismitheoir a dhéanamh sa bhaile a thacóidh le hobair na scoile?
- Conas mar a léirítear solas an chreidimh i ngach a tarlaíonn sa bhaile?
- Conas is féidir leatsa cabhrú le do pháiste bualadh le hÍosa i rith mionchúrsaí an lae?

Paidir do Thuismitheoirí (ó phaidir le Marian Wright Edelman)

*A Dhia a Chruthaitheoir na Cruinne, gabhaimid buíochas as na leanaí,
Saoil le roinnt,
Colainn le cothú,
Meabhair le múnlú,
Anamacha le saibhriú.
Go dtuillfimid i gcónaí an mhúinín atá acu ionainn,
Go dtacóimid lena ndóchas,
Go misneoimid a gcuid físeanna.
Cuir do ghrásta is do ghrá anuas
Ar na taiscí is mó atá againn,
Mar leoithne a thabharfadh croí agus neart dóibh,
Foighne agus síocháin don ród atá rompu.*

Áiméan

Cabhraigh le do pháiste paidir a chumadh a ghabhfaidh buíochas as na daoine ar fad a bhíonn ag obair leo ar scoil. D'fhéadfaidís é a scríobh ar choinneal, rud a chuirfidh i gcuimhne dóibh an solas a thugann na Scoileanna Caitliceacha chugainn ar fad, gach uile lá. Seans gur mhaith le do pháiste an phaidir seo a thabhairt ar scoil le bronnadh ar an múinteoir.

Lóchrann don Uile Ghlúin

Ábhar Machnaimh

Paidir do Thuismitheoirí





Paidir na Maidine le Tús a Chur le ‘Seachtain na Scoileanna Caitliceacha’

Paidir na Maidine le Tús a Chur le ‘Seachtain na Scoileanna Caitliceacha’

Ceannaire Cuirimid fáilte ar maidin roimh an uile dhuine anseo chun tús a chur le ‘Seachtain na Scoileanna Caitliceacha’. Tosóimid ár n-urnaí le comhartha na Croise. ‘Sé téama ‘Seachtain na Scoileanna Caitliceacha’ ná “Solas”, mar sin canaimis le chéile an t-iomann tosaigh.

🔴 **Bí Liom a Íosa** *Beo go Deo 6 lth.176*

B’fhéidir gur mhaith leis an bPríomhoide nó ionadaí an Oideachais Dhiaga/ Comhordaitheoir, an tSeirbhís Urnaí do ‘Seachtain na Scoileanna Caitliceacha’ a chur i láthair agus é seo á rá

Réamheolas Ar maidin, iarraidimid beannacht ó Dhia anuas orainn ag Scoil

Ar fud na tíre i rith na seachtaine seo beidh scoileanna dár leithéid ag ceiliúradh ‘Seachtain na Scoileanna Caitliceacha’.

Gabhaimid buíochas as an uile dhuine a bhaineann lenár gcomhlúadar anseo ag Scoil Iarraidimid anois ar coinneal faoi leith a lasadh a dhófaidh go geal in Áit Naofa na Scoile. Tá an choinneal seo mar shiombail de láithreach Dé. Bíonn Dia linn i ngach áit, i gcónaí, agus tá sé linn ar maidin ar bhealach faoi leith inár scoil *Cuirtear an choinneal san Áit Naofa nuair a bhíonn an tseirbhís urnaí thart. Tá breis eolais faoi conas mar is féidir Áit Naofa a thógáil le fáil ar leathanaigh roimhe seo.*

🔴 D’Fhéadfaí **ceol uirlise** a sheinm go ciúin ag an bpointe seo.

Ceannaire Caithimis cúpla nóiméad ag machnamh go ciúin faoi na rudaí ar fad a fhoghlaimímid anseo i Scoil Uaireanta bíonn ceacht le foghlaim ó na botúin a dhéanaimid. Cuimhnímis ar na daoine ar fad a thugann cabhair dúinn leis an bhfoghlaim, go háirithe an Príomhoide, an leasphríomhoide, ár gcuid múinteoirí, cúntóirí ranga, rúnaí na scoile agus an feighlí.

Gabhaimid buíochas leat a Dhia as an méid oibre agus an cúram a dhéanann siad anseo ag Scoil

Inniu an chéad lá de mhí Feabhra chomh maith, Lá Féile Naomh Bríd. Duine fiúntach lách a bhí i Naomh Bríd, duine a thug aire do na bochtáin, dóibhsan a bhí tinn nó uaigneach. Guímid gur féidir linne bheith ar nós Bhríde ar an mbealach ina gcabhraímid le daoine eile i rith na seachtaine seo.

B’fhéidir gur mhaith leat ceann de scéalta Bhríde ón gclár Beo Go Deo a insint, nó an ceann atá ar leathanach 12 sa phacáiste acmhainní seo.

Ceannaire Cuimhnímid air, gur thug Bríd aire i gcónaí do na daoine a bhí in am an ghátair. Iarraidimid uirthi anois guí ar ár son agus ar son an méid atá uainn ar maidin.



Seachtain na Scoileanna Caitliceacha 2010



Paidir na Maidine le Tús a Chur le 'Seachtain na Scoileanna Caitliceacha'

Freagra Guigh Orainn

A Naomh Bríd, a bhean an urnaí	<i>Freagra</i>
A Naomh Bríd, fial agus lách	<i>Freagra</i>
A Naomh Bríd, a thug bia don duine ocrach	<i>Freagra</i>
A Naomh Bríd, a chuir fáilte roimh chách	<i>Freagra</i>
A Naomh Bríd, a labhair faoi Íosa	<i>Freagra</i>
A Naomh Bríd, a chosnaíonn an uile dhuine againn	<i>Freagra</i>
A Naomh Bríd, a mhair ar nós Íosa	<i>Freagra</i>
A Naomh Bríd, ardaíthe ar neamh	<i>Freagra</i>

► Iomann do Naomh Bríd *Beo go Deo*, lth 138

An Phaidir Dheiridh

Guímis le chéile chun buíochas a ghabháil as na daoine ar fad atá anseo ar maidin agus focail an Tiarna féin á rá againn: Ár nAthair

Ceannaire Sula bhfillimid ar na seomraí ranga, chun aghaidh a thabhairt ar obair an lae, bronnaimis comhartha síochána ar a chéile.

► Moltaí don Iomann Deiridh

Críost Liom *Beo go Deo* 6 lth. 200

Is Sinne Corp Chríost *Beo go Deo* 6 lth. 221

Bíodh is nach mise an duine is cliste
An duine is fearr ná an duine is airde
An duine is lú ná an duine is mire
B'fhéidir nach mise an duine is moille
Ach tá bua amháin agam nach bhfuil
ag duine ar bith eile,
Sin bheith ar mo chonlán **féin!**





1 Feabhra

Naomh Bríd – Muire na nGael

Scéal Naomh Bríd

1 Feabhra Naomh Bríd – Muire na nGael Scéal Naomh Bríd

Fallaing Naomh Bríd

De réir an tseanchais, rugadh Naomh Bríd i lár an chúigiú chéid in aice le Fochaird, i gContae Lú. Ón uair a bhí sí ina hógánach, bhí sí fial cineálta leis na bochtáin, toisc gur thuig sí go bhfuil cion faoi leith ag Dia orthu. Is féidir an scéal faoi “Naomh Bríd Is an tIm” a léamh i do *Bheo go Deo* (Téarma 2, Ceacht 3). Sa scéal seo tá cur síos ar an mbealach inar thug Bríd uaithi an t-aon tobán ime a bhí ag an teaghlach, do bhean ocrach. Is minic a thug Bríd bia uaithi do na daoine sin a bhí bocht agus ocrach.

Scaip an scéal faoi dhea-bheartanna Bhríde ar fud na tíre, agus theastaigh ó na sluaite ban óg maireachtáil léi agus aithris a dhéanamh uirthi. Dá bhrí sin shocraigh Bríd ar chloch ar bhunú i gContae Chill Dara.


Nuair a fuair sí bás, cuireadh sa chloch ar i gContae Chill Dara í. Chomh maith le Naomh Colm Cille is ise éarlamh na hÉireann. Is ise éarlamh chomh maith ar Dheoise Chill Dara agus Leithghlinn. Déanaimid ceiliúradh ar a Lá Féile ar an gcéad lá de Mhí Feabhra, an chéad lá den Earrach.

Fallaing Naomh Bríd

Nuair a shocraigh Naomh Bríd ar a clochar a thógáil, chuir sí ceist ar rí áitiúil talamh a chur ar fáil di. Duine glic a bhí ann agus níor theastaigh uaidh aon aird a thabhairt ar Bhríd. Rinne sé magadh fúithi nuair a d’iarr sí an talamh air.

“Bronnfaidh mé ort an méid talún is a chlúdódh d’fhallaing”, ar sé. Bhí fhios aige go maith gur fallaing bheag a bhí ag Bríd, nach gclúdódh ach giota beag talún. Ach, nuair a leath Bríd a fallaing amach ar an talamh, d’fhás sí agus d’fhás sí, agus ag an deireadh bhí go leor talún clúdaithe aici ionas go bhféadfaí an clochar a thógáil! Thuig an rí ansin gur duine thar a bheith cráifeach a bhí inti. Is féidir tuilleadh den scéal seo a léamh ag *Beo go Deo* (Téarma 1, Ceacht 3).

Cabhraigh le
Naomh Bríd fáil go
dtí an clochar!





Dathaigh an pictiúr seo de Naomh Bríd is a Fallaing



Cros Bhríde



Cros Bhríde

Seans go bhfaca tú crosa Bhríde ar crochadh i dtithe, i scoileanna, i séipéil in Éirinn. De ghnáth, cuirtear ann iad in aice an dorais chun an teach a chosaint agus é a choimeád slán. Deirtear gur Naomh Bríd féin a rinne an chéad chros. Tharla go raibh taoiseach págánach ó cheantair Chill Dara ar leaba a bháis dó. Chuir Críostaithe óna chomhluadar scéala chuig Bhríde. Nuair a tháinig Bríd ar an láthair, bhí droch-chaoi ar an taoiseach. Shuigh Bríd síos in aice na leapa agus thosaigh sí ar chaint leis. Ag an am sin bhíodh luachair scaipthe ar an talamh sa bhaile, lena bheith te agus glan. Chrom Bríd agus thosaigh ar chros a dhéanamh leo, agus cheangail sí na taobhanna le chéile. Cheistigh an rí í faoina raibh ar siúl aici, agus d'inis sí dó faoi Íosa, agus conas mar a bhí cion ar chách aige. De réir mar a labhair Bríd, tháinig creideamh in Íosa chun an rí, agus baisteadh é sula bhfuair sé bás.





Déan do Chros Bhríde Féin

Déan do Chros Bhríde Féin

Beidh luachair nó giolcacha uait atá ar fáil cois abhann, nó i dtalamh riascach. Is féidir na giolcacha a úsáid chun bunanna na croise a dheasú, nó is féidir bandaí rubair nó corda a úsáid chomh maith.


Déan do Chros Bhríde Féin

Treoracha.

1. Lúb an cothromán leis an gcheartingear.
2. Lúb an chéad cheartingear eile timpeall ar an gcothromán.
3. Anois lúb an chéad chothromán eile timpeall ar an dá cheartingear.
4. Lúb luachair cheartingearach timpeall ar an dá cothromán.
5. Ag an deireadh, lúb luachair chothrománach timpeall ar an dá cheartingear atá ag gobadh anuas.

Is féidir céimeanna 1-4 a dhéanamh thart faoi ceithre huair. Deasaigh na bunanna agus gearr go néata le siosúr iad.

(Ó pháistí rang a ceathair, Scoil Shinsearach an Teaghlaigh Naofa, Inis, Contae an Chláir)



An Raibh Fhios Agat?

I 1807, bhunaigh Daniel Delany, Easpag Chill Dara agus Leithghlinne Cuallacht Naomh Bríd (Siúracha Bhríde). Sa dhá chéad bliain ó shin i leith lean na Siúracha dea-shampla Bhríde agus scaipeadar Dea-Scéal Ghrá Chríost do chách a bhuail leo. Bhunaigh Siúracha Bhríde cuid mhaith scoileanna in Éirinn agus ar fud an domhain.



2 Feabhra

Lá Féile Toirbhirt an Tiarna

2 Feabhra Lá Féile Toirbhirt an Tiarna

Ar an 2 Feabhra, daichead lá i ndiaidh na Nollag, déanaimid ceiliúradh ar Lá Féile Toirbhirt an Tiarna. Ar an lá seo cuimhnímid air gur thug Muire agus Íosaef Íosa chun an Teampall, le go bheanneofaí é. Is féidir léamh faoi seo i Soiscéal Naomh Lúcáis 2:22-38.

Fhad is a bhí Muire, Íosaef agus Íosa sa Teampall, bhuaileadar le beirt fháidh, Anna agus Simeon. Bhí Simeon thar a bheith críonna, agus gheall Dia dó “nach bhfeicfeadh sé an bás go bhfeicfeadh sé Meisias an Tiarna”. Chomh luath agus a thug sé Íosa faoi deara thuig sé gurb eisean an Té a chuir Dia anuas chugainn. Is ansin a dúirt sé an phaidir a thugaimid “Caintic Shimeon” air.

An bhféadfá na bearnaí a líonadh mar chabhair duit “Caintic Shimeon” a rá?
Tá stór focal le húsáid mar chabhair duit.



A Thiarna,

Is mise do _____, agus anois is féidir liom ____ a fháil
go _____, toisc gur choimeád tú do _____ dom.

Le mo _____ féin chonaic mé an méid a rinne tú chun
do _____ a _____. Agus feicfidh na náisiúin _____
é seo chomh _____. Is _____ do chumhacht chuig na
náisiúin _____, agus tabharfaidh sé _____ do phobal _____.

Stór Focal

shúile iasachta sheirbhíseach uile mhuintir lóchrann
bás shábháil ghealltanas Iosrael maith síochánta glóir

An Raibh Fhios Agat?

I 1997, d'ainmnigh an Pápa Eoin Pól II an 2 Feabhra mar ‘Lá Domhanda an tSaoil Tiomanta’. Ar an lá seo tugann an Eaglais ómós dóibhsan a rinne a gcuid saoil a thiomnú do Dhia ar bhealach faoi leith. Gheall na daoine seo saoil tiomanta naofa a chaitheamh i seirbhís Dé. Na daoine a fuair glao chun an tsaoil naofa seo, rinneadar trí gheall le Dia, siad sin (1) maireachtáil go bocht, gan ach iarmhais bunúsacha bheith acu (2) rialacha bhunaitheora an oird a leanúint (3) gan pósadh. Abair paidir inniu ar mhaithe leis na daoine a mhaireann sa saoil cráifeach seo.



An Toirbhirt

Is é an Toirbhirt an cheathrú rúndiamhair shólásach den Choróin Mhuire. Is féidir léamh faoi seo agus faoi na rúndiamhra sólasacha eile i *mBeo go Deo* Téarma 3 Ceacht 1. Abair an deichniúr seo den Choróin Mhuire le do rang ar scoil, nó sa bhaile le do mhuintir. Ansin, cuir dath ar an bpictiúr de Thoirbhirt Íosa.



3 Feabhra Tionóil ar Lá Féile Blaise Naofa/Lá na Seantuismitheoirí

3 Feabhra Tionóil ar Lá Féile Blaise Naofa/Lá na Seantuismitheoirí

Ceannaire Fíor na Croise

Agus an choinneal á iompar ar maidin ón Áit Naofa ag duine d'ár Seantuismitheoirí, canaimis le chéile an t-iomann tosaigh..

🎵 **I Measc na nIomann a Moltar tá** Céad Míle Fáilte Romhat *Beo go Deo* 3, lth 297

Ceannaire Ar maidin, ba mhaith linn fáilte mhór a chur roimh na seantuismitheoirí a tháinig inár measc. Is í seo an chéad chuairt ar an scoil do chuid agaibh, maidir le daoine eile bíonn siad anseo in aghaidh an lae chun an gharchlann a bhailiú. Cuimhnimis ar na seantuismitheoirí nach féidir leo bheith linn, nach raibh sé ar acmhainn acu taisteal, go gcónaíonn siad i bhfad uainn, nó go bhfuilid tinn san ospidéal, agus cuimhnimis chomh maith orthusan atá ar shlí na fírinne. Táid uile ar intinn againn ar maidin, pé ait ina mbíonn siad.

Éistimis anois do mhachnamh gearr faoi na Seantuismitheoirí.

Grá Faoi Leith (Le teann cúirtéise ó Aontas na Seantuismitheoirí, Cnoc Mhuire, Co. Mhaigh Eo)

Tá grá faoi leith ann,

An cineál ghrá a bhíonn ag an ngarchlann dá Seantuismitheoirí.

Tá sé lán de mheas ar an gcríonnacht agus ar an eagna atá iontu,

le buíochas do na luachanna a bhronn siad orainn.

Déanaimid lúcháir as na scéalta teaghlaigh atá acu agus a roinneann siad linn.

Grá faoi leith atá ann, bunaithe ar shaol deonach grámhar. Is é an cineál grá a mhotháimse daoibhse, a sheantuismitheoirí, inniu agus i gcónaí.

Ceannaire Éistimis le Briathar Dé.

Léacht: Marcas 6:1-6

Ceannaire Nuair a thagaimid le chéile chun ceiliúradh a dhéanamh ar bhronntanas ár seantuismitheoirí, cuimhnimid air gur inniu Lá Féile Blaise Naofa. Níl mórán eolais againn faoi Naomh Blaise seachas gur dochtúir a bhí ann sular oirníodh mar shagart é, agus gur ainmníodh mar Easpag san Airméin é.

Deirtear gur shábháil sé ógánach ó thachtadh. Sin an fáth le go bhfaighimid beannacht faoi leith ar an lá seo, a iarrann ar Naomh Blaise sinn a chosaint ó aon tinneas scornaí. Is comhartha an bheannacht seo ar an gcreideamh agus an mhúinín atá againn i gcosaint agus i ngrá Dé dúinn.

Beannaíodh na coinnle a úsáidimid, ar Lá Féile Toirbhirt an Tiarna inné.

Baineann an sagart/ministir úsáid as dhá choinneal neamhlasta i bhfoirm chroise le teagmháil a dhéanamh le scornacha na ndaoine i láthair, ag rá:

Trí idirghuí Naomh Blaise, easpag agus mairtíreach, go dtuga Dia slán thú ó gach galar scornaí atá ann, in Ainm an Athar, agus an Mhic, agus an Spiorad Naomh.

Áiméan



Seachtain na Scoileanna Caitliceacha 2010



3 Feabhra Tionóil ar Lá Féile Blaise Naofa/Lá na Seantuismitheoirí

Ceannaire Agus sinn ag leanúint leis an gceiliúradh de ‘Seachtain na Scoileanna Caitliceacha’ anseo i Scoil tugaimid ár bpaidreacha os comhair Íosa ár gcara.

Freagra A Thiarna bí ceansa agus éist linn

1. Guímid ar son na ndaoine atá i láthair inniu, ár gcuid múinteoirí, foireann na scoile agus baill teaghlaigh. Gabhaimid buíochas le hÍosa as an ngrá a roinneann siad linn.

A Thiarna Éist Linn

2. Guímid ar son na seantuismitheoirí a thugann grá agus cúram dúinn. Iarraimid ort aire agus cosaint a thabhairt dóibh id’ ghrá. *A Thiarna Éist Linn*

3. Gabhaimid buíochas as na múinteoirí anseo i Scoil Bronn orthu an grásta a bhíonn uathu chun sinn a mhúineadh in aghaidh an lae. Beannaigh iad le bronntanas do ghrá, d’fhoighne, agus do thuiscint agus iad ag obair. *A Thiarna Éist Linn*

4. Beannaigh na páistí uile, iadsan atá inár scoil, inár dteaghlaigh agus ar fud an domhain. Go bhfoghlaimeoidh siad conas grá Íosa a roinnt lena chéile. *A Thiarna Éist Linn*

5. Cuimhneimid orthusan atá imithe ar shlí na fírinne. Cuir do bheannacht orthu a Íosa agus iad ag maireachtáil go deo leis na naoimh sna flaithis. *A Thiarna Éist Linn*



Ceannaire Cuirimid na paidreacha a dúramar os ard, agus na paidreacha atá faoi rún inár gcroí os comhair an Tiarna ghrámhair agus sinn ag rá: *Ár nAthair*

Beannacht Deiridh

Ceannaire Agus an ceiliúradh seo ag teacht chun deiridh ar maidin, déarfaimid an bheannacht dheireanach le chéile. Fhad is a bhíonn an t-íomann críochnaitheach á chanadh againn, tabharfar an choinneal ar ais go dtí an Áit Naofa, áit ina ndófaidh sí léi, ag meabhrú dúinn go mbíonn Íosa linn i gcónaí agus i ngach áit, agus i Scoil ach go háirithe, ár Scoil Chaitliceach féin.

Iarr ar na daoine atá i láthair gach líne a athrá de réir mar a deir an Ceannaire í.

Beannaigh ar maidin sinn a Íosa caoin, beannaigh idir óg is aosta

Beannaigh iadsan atá i bhfad i gcéin, nó atá ar shlí na fírinne

Beannaigh na cairde a tháinig chun na hÉireann chugainn

Beannaigh a muintir atá i bhfad uathu ar maidin.

Beannaigh sinn le do ghrá ionas gur féidir linn é a roinnt lenár muintir féin, ár gcairde, agus gach aon duine i Scoil.....

Áiméan

Moladh don Iomann Deiridh Seo é an Lá *Beo go Deo* 8 lth 329





3 Feabhra Lá Féile Blaise Naofa Lá na Seantuismitheoirí

3 Feabhra Lá Féile Blaise Naofa/Lá na Seantuismitheoirí

Paidir do
Sheantuismitheoirí

Roinnt Ceisteanna
le Plé ar Lá na
Seantuismitheoirí



Ag leanúint ar Lá na Seantuismitheoirí, d'fhéadfadh na páistí id' rang féin cuid de na gníomhaíochtaí seo a chomhlíonadh. Is féidir an obair a thosú i rith cuairt na seantuismitheoirí ar an seomra ranga.

- Scríobh aiste faoi do sheanthuismitheoirí
- Scríobh paidir dod' sheantuismitheoirí. Is féidir na paidreacha seo a sheoladh ar ríomhphost chuig info@catholicgrandparentsassociation.com. Is féidir ainm baiste an pháiste a chur leis, chomh maith le haois, rang, agus ainm na scoile.
- Cuir ceist ar na seantuismitheoirí an phaidir is ansa leo a mhúineadh duit
- Cum amhrán
- Scríobh faoin gcúimhne is deise a roinneann sibh
- Scríobh scéal faoi conas mar a bhí an scolaíocht dod' sheantuismitheoirí
- Cuir leabhar le cuimhní cinn le chéile
- Scríobh dán
- Déan craobh ghinealaigh den teaghlach
- Scríobh síos an méid atá ar eolas agat faoi shaol do sheantuismitheoirí
- Déan agallamh leo a thaifead
- Faigh amach cén bia is fearr le do sheantuismitheoirí
- Cruthaigh dearadh gréasáin faoi do sheantuismitheoirí

Roinnt Ceisteanna le Plé ar Lá na Seantuismitheoirí

- Cén ról atá ann dod' sheantuismitheoirí inár sochaí?
- Ar athraigh ról na seantuismitheoirí leis na blianta, an dóigh leat?
- An tábhachtach an rud é laethanta comórtha bheith ann do dhaoine áirithe?

Paidir do Sheantuismitheoirí

(Chum An Pápa Naofa Pápa Benedict XVI an phaidir seo do Sheantuismitheoirí i 2008)

*A Thiarna Íosa,
Rugadh tusa ag an Mhaighdean Mhuire, Iníon
Naomh Iochaim is Naomh Áine.
Breathnaigh anuas go grámhar ar
sheantuismitheoirí ar fud an domhain.
Gardáil iad! Bronnann siad saibhreas ar an
teaghlach, ar an Eaglais, ar an tsochaí uile.
Tacaígh leo! De réir mar a théann siad in aois,
go leanfaidh siad mar ghalláin láidre maidir le
creideamh an tSoiscéil, cosantóirí ar luachanna
fiúntacha an bhaile, taiscí beo de thraidisiúin
luachmhara creidimh. Go mbeidh siad mar
mhúinteoirí a scaipeann críonnacht is misneach,
agus go dtabharfaidh siad don ghlúin nua*

*torthaí an taithí lánaibí dhaonna is spioradálta a
rug siad leo ón saol.*

*A Thiarna Íosa, cabhraigh le teaghlach, leis
an tsochaí, meas a bheith acu ar láithreach
agus ar ról na seantuismitheoirí. Guímid nach
ndéanfar neamhaird nó imeallú orthu, ach go
mbronnfar meas is grá orthu. Cabhraigh leo
maireachtáil go sonasach ionas go mbeidh fáilte
rompu i rith an tsaoil a bhronnann tú orthu.
A Mhuire, a Mháthair na mbeo uile, bíodh na
seantuismitheoirí i gcónaí faoi do chúram agat.
Bí leo ar an oilithreach saoil, agus trí do
phaidreacha, deonaigh go n-athaontófar gach
aon teaghlach i bhFlaitheas Dé, áit ina mbíonn
tú féin ag fanacht le barróg mhór an tsaoil gan
críoch a chur ar chách.*

Aiméan



Seachtain na Scoileanna Caitliceacha 2010



19 Meitheamh 2009 – 11 Meitheamh 2010 Ceiliúradh ar ‘Bliain na Sagart’

19 Meitheamh
2009 – 11
Meitheamh 2010
Ceiliúradh ar
‘Bliain na Sagart’

Mar Obair Duitse

I mbliana chuir an Pápa Benedict XVI ceist orainn guí ach go háirithe ar son na sagart. An fáth a raibh le seo, dar leis, ná gurb í an bhliain 2009 ceiliúradh céad bliain go leith ar bhás Naomh Eoin Máire Vianney, pátrún na sagart. Is é an 4 Lúnasa a Lá Féile.

Rugadh Naomh Eoin Máire Vianney sa bhliain 1786 in aice le cathair Lyons sa Fhrainc. Ní mac léinn cumasach a bhí ann ar scoil ná nuair a bhí sé ag traenáil don tsagartacht, ach oirníodh é mar shagart sa bhliain 1815 agus cuireadh chuig paróiste beag darb ainm Ars é. Toisc go raibh ardmheas air ansin, tugadh an Curé d’Ars air. Is é an focal curé an t-ainm a thugtar ar shagart paróiste sa Fhrainc.

Bhí ainm in airde air, ní de bharr clisteachta, ní toisc gur duine saibhir a bhí ann, ach toisc gur thug daoine faoi deara cé chomh minic is a bhíodh sé ag guí, gur chaith sé a shaol go simplí, agus an chráifeacht a bhain leis nuair a bhíodh an tAifreann á rá aige. Dúradh leis sula ndeachaigh sé go hArs nach raibh cúrsaí creidimh go láidir ann. Mar sin féin, thosaigh sé ar an gcreideamh a mhúineadh do na daoine, eolas a thabhairt dóibh faoi shaol Íosa, agus chabhraigh sé leo a saoil a chaitheamh de réir luachanna Críostaí, sé sin trí ghrá bheith acu do Dhia agus don chomharsa. Mar thoradh air seo deirtear gur tháinig suas le fiche míle duine in aghaidh na bliana ó gach cearn den Fhrainc chun bualadh leis, faoistin a dhéanamh leis agus dul ar Aifreann.

Mhair Naomh Eoin Máire Vianney ag obair in Ars go dtí go raibh sé trí bliana dhéag agus trí scór bliain d’aois. D’oibrigh sé go dian sa pharóiste leis na daoine a tháinig chun é a fheiceáil agus éisteacht lena sheanmóireacht. Lean sé leis an saol simplí agus fuair sé bás go síochánta ar an 4 Lúnasa sa bhliain 1859. Déantar a Lá Féile a cheiliúradh ar an lá céanna. Canóinaíodh é ar an 31 Bealtaine sa bhliain 1925.

Mar Obair Duitse

Scríobh paidir ar mhaithe le do shagart, maisigh an leathanach, agus bronn an phaidir air nuair a thagann sé ar cuairt chugaibh. Is féidir le daltaí aonair nó an rang go hiomlán é seo a dhéanamh. Glac an t-am chuige an phaidir seo a rá chuile lá.

Seans go gcabhródh seo leat:

A Thiarna Dia ár nAthair, gabhaimid buíochas leat as an Athair agus as an obair a dhéanann sé inár scoil/paróiste. Beannaigh agus cosain é uair a bhíonn sé ag freastal ar do phobal féin. Bíodh sé in éineacht leat i ngach a déanann sé agus treoraigh é i ngach a bíonn le rá aige. Cabhraigh leis ionas gur féidir leis an grá atá agatsa do chách a léiriú. Deonaigh go gcaithfidh sé a shaol ar nós Íosa ionas gur féidir linn do láithreachta a bhraith i gcónaí.

Áiméan



Seachtain na Scoileanna Caitliceacha 2010

**19 Meitheamh
2009 – 11
Meitheamh 2010
Ceiliúradh ar
'Bliain na Sagart'**

Faigh Amach

Rud Eile le Déanamh

Déan Ceiliúradh orthu
ag an tSeirbhís Urnaí



Léiríonn na pictiúir seo cuid den obair a dhéanann an sagart in aghaidh an lae

• Scríobh abairt faoi gach pictiúr.

• Tabhair cuireadh don sagart teacht chun cainte leis an rang faoin obair a dhéanann sé sa pharóiste.

Faigh Amach

Roghnaigh duine de na Naomh seo. Sagairt ar fad a bhí iontu.

Naomh Alphonsus Liguori, Naomh Doiminic, Naomh Maximilian Kolbe, Naomh Greagóir Mór, Naomh Andrew Kim Taegon, Naomh Pio de Pietrelcina, Naomh Bruno, Naomh Isaac Jogues, Naomh Froinsias Xavier, Naomh Sharbel Makhoulouf, Naomh Damian de Mholokai.

Bí ag obair le páirtí agus cuir comhad fíricí le chéile faoin Naomh a roghnaigh sibh.

Tuilleadh Oibre le déanamh

An bhfuil eolas ar bith agat faoi shagairt a bhíodh ag obair sa pharóiste tráth? Conas a gheofá eolas fúthu? Déan tionscadal faoi chuid de na sagairt seo.

Déan iad a Cheiliúradh ag Seirbhís Urnaí

Má tá sagairt ar phinsean id' pharóiste, seol cárta chucu ón rang.

Foilsigh ailt ar chlár fógraíochta sa seomra ranga nó i ndorchla na scoile a thabharfaidh léargas ar ghnéithe den tionscadal faoi shaol na sagart sa pharóiste san am faoi láthair, nó san am atá thart.



31 Eanáir – 7 Feabhra

‘Seachtain na Scoileanna Caitliceacha’ inár Scoil, Ár bParóiste

P

Conas a rinne sibh ceiliúradh ar ‘Seachtain na Scoileanna Caitliceacha’ ar scoil? An raibh seirbhís urnaí faoi leith agaibh? Ar ghlac sibh páirt i Lá na Seantuismitheoirí? Ar bhain sibh triail as cuid de na himeachtaí sa leabhrán seo? Más rud é go ndearna sibh, cén fáth nach scaipfeadh sibh an scéal? Is féidir cur síos a scríobh nó pictiúr a dhéanamh faoin méid a rinne sibh sa leabhrán thíos. Déan fótachóip den leathanach seo agus den chéad leathanach eile (droim le droim) ar pháipéar nó ar chairtpháipéar agus gearr amach an leabhrán. Nuair a bhíonn críochnaithe agat is féidir an leabhrán a chur ar taispeáint san Áit Naofa sa seomra ranga nó ar scoil. Is féidir é a thabhairt abhaile le taispeáint do do mhuintir na rudaí a rinne sibh mar chomóradh ar bhur scoil Chaitliceach i rith na seachtaine seo.

31 Eanáir – 7
Feabhra ‘Seachtain
na Scoileanna
Caitliceacha’ inár
Scoil, Ár bParóiste



A Thiarna Grámhar,

Gabhaimid buíochas leat as na múinteoirí, na tuismitheoirí, agus na daoine uile a dhéanann áit iontach as an scoil Chaitliceach mar atá againn inniu.

Cuimhnimid orthusan a bhí mar chuid de phobal na scoile seo san am atá thart.

Táimid féin ag súil le lóchrann an chreidimh bheith á adhaint againn sa todhchaí.

Ofrálaimid an phaidir seo trí Chríost Ár dTiarna.

‘Seachtain na Scoileanna Caitliceacha’ á Chomóradh againn

M’AINM

AINM NA SCOILE SEO

AINMNÍODH AN SCOIL Ó

IS SCOIL CHAITLICEACH AN SCOIL SEO Ó

I LEITH

SUAITHEANTAS NA SCOILE



P

Cé hiad na daoine a dhéanann pobal mór as pobal na scoile seo?

Grean na hainmneacha ar an choinneal thíos.



Céard a rinne sibh le 'Seachtain na Scoileanna Caitliceacha' a chomóradh ar scoil nó sa seomra ranga?

Scríobh alt nó tarraing pictiúr faoin rud ba mhó a thaitin leat faoin tseachtain seo caite.



Machnamh do Bhaill an Bhoird Bainistíochta/Gobharnóirí agus don Fhoireann

Is féidir machnamh gearr faoi “Cad is Scoil Chaitliceach ann?” do bhaill fhoirne agus baill den Bhord Bainistíochta/Gobharnóirí a bhunú ar an méid atá thíos i rith ‘Seachtain na Scoileanna Caitliceacha’ 2010.

Le fiche bliain anuas tá athrú suntasach tagtha ar thír na hÉireann. Tá sí níos ilchineálaí ó thaobh chreidimh agus ó thaobh chultúir de. Bhí tionchar nach beag ag na hathruithe seo ar leagan amach an oideachais, agus mar a tharlaíonn maidir le gach cineál athraithe, bíonn ceisteanna áirithe le cur. I rith ‘Seachtain na Scoileanna Caitliceacha’ beidh deis ag baill fhoirne agus baill den Bhord Bainistíochta/Gobharnóirí am a chaitheamh ag machnamh ar na ceisteanna seo ag cruinnithe foirne nó cruinnithe de na Boird Bhainistíochta.

Tá stair agus traidisiún faoi leith ag baint leis an Oideachas Caitliceach a chuirtear ar aghaidh ó ghlúin amháin go dtí an chéad ghlúin eile. Caithfidh gach uile ghlúin machnamh a dhéanamh faoin stair agus faoin traidisiún seo, faoi na scríbhinní a bhaineann leis, agus meastachán a dhéanamh faoin ábharthacht a bhaineann leis i saol an lae inniu, agus conas is féidir é a fhorbairt don toadhcháí.

Tá dearcadh nua-aoiseach maidir leis an oideachas Caitliceach sa bhunscoil Éireannach, le sonrú sa ráiteas thíos.

An dúshlán leanúnach atá ann don uile dhuine atá bainteach le Scoil Chaitliceach bheith mar phobal oideachasúil, ná na daltaí a chothú ionas go mbeidh ar a gcumas bheith cinnte den aitheantas reiligiúnach atá acu, a aithníonn an éadail iontach a bhronn Dia orthu trí Íosa, agus a bhíonn mar bhaill fhreagracha ghníomhacha den phobal Caitliceach agus den chomhluadar domhanda. Ba cheart go n-imeoidís ón scoil, beo bríomhar leis an mhúinín iontu a rá le saol an lae inniu “Tar anseo le go n-inseoidh mé leat faoin fhear a thuigeann gach a ndearna mé riamh. N’fheadar an eisean an Críost”. Dermot A. Lane (2006)

Cabhróidh na ceisteanna seo leat chun machnamh a dhéanamh faoin ráiteas úd

1. Conas a dhéanaimid na daltaí a chothú ionas go mbeidh ar a gcumas bheith “cinnte den aitheantas reiligiúnach atá acu?”
2. Conas a dhéanaimid na daltaí a spreagadh bheith mar “bhaill fhreagracha ghníomhacha den phobal Caitliceach agus den chomhluadar domhanda?”
3. Conas a dhéanaimid na daltaí a mhúineadh ionas go mbeidh ar a gcumas gaol beo bheith acu le hÍosa?

**Machnamh do
Bhaill an Bhoird
Bainistíochta/
Gobharnóirí agus
don Fhoireann**



B'fhéidir gur mhaith libh an díospóireacht a thosú nó a chríochnú leis an bpaidir seo

Machnamh do Bhail an Bhoird Bainistíochta/ Gobharnóirí agus don Fhoireann

Paidir don Fhoireann

Paidir do Bhail Bhoird Bainistíochta/ Gobharnóirí

Paidir don Fhoireann

A Íosa ár dTiarna is ár nOide! Mhúin tú le húdarás is le comhbhá sinn. Rinne tú idirghabháil i saol an oiread sin daoine a bhí ag lorg tuisceana, ag lorg an leighis, agus an rud ba mhó a bhí uathu ná cluas le héisteacht leo.

Cabhraigh linne bheith mar dhaoine údarásacha comhbhácha i bpobal na scoile seo. Go mbeidh tionchar grámhar grástúil againn ar shaol agus ar spioraid na ndaoine atá faoinár gcúram againn. Go lorgaimid an fhoirfeacht inár ndaltaí agus go mbeimid ag súil leis an rud is fearr ionainne ar fad, a aimsiú i gcónaí.

Go mbeidh croithe oscailte againn i gcónaí le do ghuth féin is do ghrá a bhraith, agus go mbeimid, dála gach uile dhuine a thugann scolaíocht chóir, mar lóchrainn gheala a lonraíonn ar phobail na scoileanna le dóchas croí.

Áiméan.

Paidir do Bhail Bhoird Bainistíochta/ Gobharnóirí

A Thiarna Íosa Críost, bailimid le chéile anseo ag saothrú id' ainm ar mhaithe le leas na scoile. Tuigimid go bhfuil tú inár measc agus sinn ag déanamh machnaimh faoi na ceisteanna atá romhainn ag an gcuinniú seo.

Treoraigh sinn i ngach a déanaimid, agus bronn orainn an tuiscint, an eagna, an mhuinín, an grásta a thagann ón Spiorad Naomh chun cinntí cearta a dhéanamh.

Go mbeidh toradh fíúntach ar an saothar a dhéanaimid inniu, a chinnteoidh go leanfaidh an scoil seo mar phobal oscailte, cóir, comhbhách síochánta. Go mbeidh áit lárnach agat féin i ngach a déanaimid.

Guímid ár bpaidir trí Chríost Ár dTiarna
Áiméan.





Seachtain na Scoileanna Caitliceacha 2010

Conas ‘Seachtain na Scoileanna Caitliceacha’ a Cheiliúradh sa Pharóiste

Is é an Domhnach 31 Eanáir, an cheathrú Domhnach sa bhliain eaglasta, an chéad lá de ‘Seachtain na Scoileanna Caitliceacha’ 2010. Tugtar spreagadh do gach paróiste díriú ar ‘Seachtain na Scoileanna Caitliceacha’ i liotúirge an Domhnaigh agus i rith na seachtaine ina dhiaidh sin. Tá bealaí éagsúla ann chun é seo a chur i gcrích. Tá cúpla moladh anseo daoibh:

Domhnach, 31 Eanáir

- Spreag na scoileanna chun bheith páirteach in ullmhú an liotúirge don gCeathrú Domhnach Saor. Tabhair cuairteanna ar na scoileanna i rith na seachtainí roimh ré agus tabhair cuireadh dóibh agus cabhraigh leo an liotúirge a ullmhú. Cuir na léachtaí, paidreacha an phobail, agus an méid atá ar leathanach 19 ar fáil dóibh.
- Tabhair foláireamh roimh ré don Choiste Liotúirgeach faoin méid a bhíonn idir lámha agaibh ionas gur féidir leo pleanáil a dhéanamh i dtaobh an liotúirge agus an cheoil de, don cheiliúradh faoi leith atá ar bun agaibh. Déan deimhin de gur féidir le cách páirt a ghlacadh sa cheol.
- Féach an féidir leat ceist a chur ar an gComhairle Thréadach/Coiste Liotúirgeach cuirí a chur amach chuig na tuismitheoirí, Seantuismitheoirí agus daoine eile teacht chuig ceiliúradh an pharóiste maidir le ‘Seachtain na Scoileanna Caitliceacha’.
- Spreag na scoileanna i do pharóiste amharciomhánna a chur ar taispeáint maidir le topaic áirithe, mar shampla naomh áitiúil, áit naofa sa timpeallacht, pobal creidimh an lae inniu. Cuir spás ar fáil sa séipéal nó i halla an pharóiste ionas gur féidir na hamharciomhánna seo a chur ar taispeáint. Déan iarracht an méid is mó páistí ón scoil nó ó scoileanna eile sa pharóiste bheith páirteach ionas go mbeidh éagsúlacht mhór smaoinimh agus íomhánna ann. Ba cheart go mbeadh rogha ag daoine na smaointí seo a léiriú i bhfoirm cheoil, i ndrámá nó i ndamhsa.
- Cuir nóta le nuachtlitir an pharóiste. Is féidir téacs mar seo a úsáid:

Conas ‘Seachtain na Scoileanna Caitliceacha’ a Cheiliúradh sa Pharóiste

Domhnach 31 Eanáir

‘Seachtain na Scoileanna Caitliceacha’

Is é an Domhnach, an 31 Eanáir an chéad lá de ‘Seachtain na Scoileanna Caitliceacha’. An aidhm atá leis ná ceiliúradh a dhéanamh maidir leis an chúnamh a thugann na scoileanna Caitliceacha don tsochaí seo. An téama atá ann i mbliana ná ‘ Scoileanna Caitliceacha – Lóchrann don Uile Ghlúin’.

I rith na seachtainí atá romhainn beidh fáilte romhat bheith páirteach linn chun ceiliúradh a dhéanamh faoin méid a chuireann na scoileanna Caitliceacha le saol an phobail chreidimh anseo i bparóiste

Déan cur síos ar imeachtaí/ceiliúradh.



Seachtain na Scoileanna Caitliceacha 2010

Conas Ceiliúradh a Dhéanamh ar 'Seachtain na Scoileanna Caitliceacha' i do Pharóiste

An Chomhairle Thréadach

Ar Scoil

An Pobal

An Chomhairle Thréadach

- Cuir 'Seachtain na Scoileanna Caitliceacha' in aithne don Chomhairle Thréadach agus iarr orthu smaoineamh a léiriú faoi conas is féidir é a cheiliúradh sa pharóiste.
- Tabhair cuireadh do chuirteoir teacht chun cainte leis an gComhairle Thréadach faoi thábhacht na scoileanna Caitliceach agus an méid is féidir leo a dhéanamh chun bheith mar 'lóchrann don uile ghlúin'. Tabhair cuireadh don Bhord Bainistíochta/Gobharnóirí agus do na múinteoirí teacht chun an chruinnithe.

Ar Scoil

- Tabhair cuairt ar na ranganna scoile agus labhair faoi 'Seachtain na Scoileanna Caitliceacha' agus an bhrí atá leis. Is féidir na ceisteanna seo a ardú chun an machnamh a threorú: Conas a chabhraíonn an Scoil Chaitliceach linn mar phaistí ionas gur féidir linn bheith mar Lóchrann don Uile Ghlúin? Conas ar mhaith linne ár gcuid saoil a chaitheamh sa todhchaí chun bheith mar Lóchrann don Uile Ghlúin?
- Déan machnamh faoi ainm naofa a thabhairt ar scoil an pharóiste mura mbíonn ainm mar sin uirthi cheana féin. Tabhair cuireadh do phobal iomlán an pharóiste bheith páirteach sa tionscadal seo.
- Spreag an scoil áitiúil chun Áit Naofa nó clár fógraíochta a bhunú ar an mbealach isteach chun na scoile, nó in áit shuntasach, a rachaidh i bhfeidhm ar an uile dhuine a thagann ar cuairt chun na scoile. Léireodh sé éiteas Caitliceach na scoile agus conas mar a dhéanann sé ceiliúradh ar an saol creidimh ag amanna tábhachtacha i rith na bliana, mar shampla Aidhbhaint/An Carghas, An Chéad Chomaoín/Cóineartú.
- Mura mbíonn ceann acu cheana féin déan machnamh faoi ráiteas misin/fis na scoile a chur le chéile.
- Má tá na hacmhainní ann, d'fhéadfadh an paróiste coinneal a bhronnadh ar gach teaghlach le páiste a fhreastalaíonn ar na scoileanna áitiúla, chomh maith le bileog urnaí leis na paidreacha a fhoghlaimíonn na daltaí ar scoil scríofa air, lena spreagadh chun iad a rá le chéile mar chomhluadar, agus bheith mar 'Lóchrann don Uile Ghlúin.' Is féidir na coinne seo a bheannú i séipéal an pharóiste ar an Mháirt, Lá Féile Toirbhirt an Tiarna.
- Bailigh pobal na scoile, tuismitheoirí, oidí agus Bord Bainistíochta/Gobharnóirí le chéile le haghaidh seirbhís urnaí nó 'Oíche Spioradálta' i rith na seachtaine. Tabhair cuireadh do chuirteoir faoi leith seisiún a reáchtáil faoin bpaidreoireacht treoraithe. Cuir cupán tae ar fáil ina dhiaidh!

An Pobal

- Ós rud é go dtarlaíonn Lá Féile Bríde i rith na seachtaine eagraigh oíche faoi leith le go bhféadfadh teaghlach crosta a dhéanamh i halla an pharóiste nó ar scoil, agus bíodh seirbhís ghearr urnaí ann chomh maith. Mar mhalairt ar seo d'fhéadfá ceist a chur ar an bPríomhoide cuireadh chun na scoile a thabhairt do sheanóirí an pharóiste le go bhféadfaidís déanamh na gcros a mhíniú do na páistí.
- Seans go mbeadh sé oiriúnach Clár Ullmhúcháin na Sacraimintí a sheoladh sa pharóiste i rith na seachtaine seo, dírithe ar an gCéad Chomaoín nó an Cóineartú, m.sh. *Bíodh Sibhse Mar Fhinnéithe Liomsa.*



Seachtain na Scoileanna Caitliceacha 2010

31 Eanáir 2010 Aifreann le tús a chur le Seachtain na Scoileanna Caitliceacha'



31 Eanáir 2010
Aifreann le tús a
chur le 'Seachtain
na Scoileanna
Caitliceacha'

Loinneog Iontrála

A Thiarna Dia, sábháil sinn agus bailigh le chéile sinn ó na náisiúin uile ionas gur féidir linn d'ainm naofa a chraobhscaoileadh agus glóir a thabhairt do do mholadh.

Ráiteas Tosaigh

Cuirimid tús inniu le 'Seachtain na Scoileanna Caitliceacha'. Déanaimid ceiliúradh ar, agus gabhaimid buíochas as na bronntanais a thugann an tOideachas Caitliceach chuig ár dteaghlaigh, ár bparóiste agus ár sochaí.

Guímid chomh maith go leanfaidh ár scoileanna ar dhaoine lándóchasacha a oiliúint a bheidh mar 'lóchrann don uile ghlúin'.

An Chéad Phaidir

Guímis (*Tiarna na beatha á mholadh le chéile againn, óir is sinne a phobal*)

Ár nAthair ar Neamh, ó laethanta Abrahám agus Maois i leith go dtí gur thángamar, d'Eaglais, le chéile anseo le hurnaí a dhéanamh, rinne tú daoine a mhúnlú mar íomhá de do Mhac féin.

Beannaigh do mhuintir anseo le bronntanais do Ríochta féin.

Go ndéanfaimid freastal ort lenár mianta uile,

Agus grá a léiriú dá chéile de réir mar a léirigh tusa do ghrá dúinne. Cuirimid an phaidir seo trí Chríost ár dTiarna,

Áiméan.

Liotúirge an Bhriathair

An Chéad Léacht Irimia 1: 4, 5: 17-19

Léacht ó leabhar Irimia fáidh

D'ordaigh mé thú i d'fháidh do na ciníocha.

I laethanta Íoisíá tháinig briathar an Tiarna chugam, á rá, "Sular chum mé thú sa bhroinn bhí aithne agam ort; sular rugadh thú choisric mé thú; d'ordaigh mé thú i d'fháidh do na ciníocha. Tusa, crioslaigh thú féin mar sin chun comhraic. Éirigh agus abair leo gach a n-ordaímse duit. Ná bíodh eagla ort ina bhfianaise, ar fhaitíos go gcuirfinnse eagla ort ina bhfianaise. I dtaca liomsa de, déanfaidh mise díot inniu cathair dhaingean, cuaille iarainn, agus balla práis in aghaidh na tíre seo go hiomlán, in aghaidh ríthe Iúdá, in aghaidh a prionsaí, a sagart agus mhuintir na tíre. Troidfidh siad i d'aghaidh, ach ní bhéarfaidh siad bua ort, óir táimse leat agus tusa faoi mo choimirce – is é an Tiarna a labhraíonn".

Sin é Briathar Dé.



Seachtain na Scoileanna Caitliceacha 2010



31 Eanáir 2010
Aifreann le tús a
chur le ‘Seachtain
na Scoileanna
Caitliceacha’

Salm 70 1-6, 8,15, 17, r15

Freagra Fógáidh mo bhéal d’fhíréantacht
 Ortsa a Thiarna atá mo thriall
 Nár dhéantar mo náiriú go deo
 Fuascail mé i d’fhíréantacht agus saor mé
 Claon chugam do chluas agus tarrthaigh
 mé.

Freagra

Bí agam i do charraig dhíine
 I do dhúnfort daingean do mo tharrtháil
 Óir is tú mo charraig is mo dhún
 Fuascail mé as láimh an urchóidigh
Freagra

Óir is leat atá mé ag feitheamh a Thiarna
 A Dhia is tú mo dhóchas ó m’óige
 Is ort atá mo sheasamh ó rugadh mé
 Ó bhroinn mo mháthar ba thú mo dhídean
Freagra

Is lán mo bhéal de do mholadh
 Agus de do ghlóir ar feadh an lae
 Thug tú teagasc dom ó m’óige a Dhia
 Agus bhíos ag fógairt do mhóréachtaí go
 dtí seo *Freagra*

An Dara Léacht Sliocht ó Chéad Litir
Naomh Pól chuig na Corantaigh 12:31 – 13:13

*Tá trí nithe ann atá buan, más ea,
 creideamh dóchas agus grá, ach is é an grá
 an ní is mó orthusan.*

Is ar na tíolachtaí is tábhachtaí ba cheart
 tóir a bheith agaibh agus táimse chun
 ribhealach a thaispeáint daoibh. Má
 labhraím i dteangacha daoine agus
 aingeal ach gan aon ghrá a bheith agam,
 níl ionam ach mar a bheadh prás ag
 fuaimneach nó ciombail ag clingeadh.
 Má tá bua fáidheoireachta agam, eolas ar

gach rúndiamhair agus fios gach ní agam
 agus oiread lán-chreidimh agam agus a
 d’aistreadh na sléibhte ach gan aon ghrá a
 bheith agam, is neamhní mé. Má roinnim
 amach mo mhaoin shaolta go léir, agus má
 thugaim suas mo chorp le dó, ach gan aon
 ghrá a bheith agam, ní aon tairbhe dom é.

Bíonn an grá foighneach agus bíonn
 sé lách; ní bhíonn éad air; ní dhéanann
 sé maíomh ná mórtas; ní bhíonn sé
 mímhúinte ná leithleasach, míchéadfach
 ná agrach. Ní áil leis an éagóir ach is
 aoibhinn leis an mhaith. Bíonn sé lán
 d’fhadfhulaingt, lán de chreideamh, lán
 de dhóchas agus lán d’fhoighne. Rachaidh
 an fáidheoireacht ar ceal, rachaidh na
 teangacha dá dtost, agus rachaidh an
 t-eolas ar neamhní, ach ní rachaidh an
 grá i léig go deo. Mar tá ár gcuid eolais
 easnamhach agus tá ár bhfáidheoireacht
 easnamhach; agus nuair a thiocfaidh ann
 an rud foirfe, rachaidh an rud easnamhach
 ar neamhní. Fad a bhí mé i mo leanbh,
 bhí caint agus meon agus réasún an
 linbh agam, ach ar m’éirí suas i m’fhear
 dom, d’fhág mé bealaí an linbh i mo
 dhiaidh. Faoi láthair ní fheicimid ach mar
 a bheadh scáil go doiléir i scáthán ach
 ar ball gheobhaimid radharc aghaidh ar
 aghaidh air. Níl ach breaceolas agam faoi
 láthair ach beidh eolas iomlán agam ar ball,
 chomh hiomlán leis an eolas atá orm. Tá
 trí nithe ann atá buan, más ea, creideamh,
 dóchas, agus grá, ach is é an grá an ní is mó
 orthusan.

Sin é Briathar Dé.



Seachtain na Scoileanna Caitliceacha 2010



Gairm an tSoiscéil *Lúcás 4:18*

Chuir sé uaidh mé ag tabhairt an dea-scéil do na boicht, ag fógairt a scaoilte do bhránna

Soiscéal Lúcas *Lúcás 4: 21-30*

Léacht ón Soiscéal Naofa de réir Naomh Lúcas

Ar nós Éilias agus Eiliseá ní chuig na Giúdaigh amháin a cuireadh Íosa.

Agus thosaigh Íosa ag rá leo sa tsionagóg: “Inniu atá an scríbhinn seo comhlionta i gcos bhur gcluas.” Agus thug cách fianaise air, b’ionadh leo na briathra grástúla a bhí ag teacht as a bhéal, agus deiridís: “Nach é mac Iosaef é seo?”

Agus dúirt sé leo: “Gan amhras, tagróidh sibh liom an seanfhocal: ‘A lia, leighis tú féin. Na nithe a chualamar déanta i gCafarnaum, déan anseo iad freisin i do dhúiche féin.’ Ach dúirt sé: “Deirim libh go fírinneach, fáidh ar bith ní ghlactar ina dhúiche féin.

Ach go deimhin deirim libh, bhí mórán baintreach in Iosrael i laethanta Éilias, nuair a bhí an spéir dúnta ar feadh trí mbliain agus sé mhí, ionas go raibh gorta mór sa tír go léir, agus ní chun aon duine acu a cuireadh Éilias ach chun mná baintrí i Saireipte i dtír na Siodóine. Agus bhí mórán lobhar in Iosrael le linn Eiliseá fáidh, ach aon duine acu sin níor glanadh ach Námán an Suíreach.”

Agus a raibh sa tsionagóg, nuair a chuala siad an méid sin, líon siad d’fheirg, agus d’éirigh siad agus thiomáin amach as an gcathair é agus sheol é go dtí mala an chnoic ar a raibh a gcathair tógtha chun é a chaitheamh le fail. Ach ghabh sé trína lár agus d’imigh leis.

Sin é Soiscéal Dé

31 Eanáir 2010
Aifreann le tús a
chur le ‘Seachtain
na Scoileanna
Caitliceacha’



Seachtain na Scoileanna Caitliceacha 2010



31 Eanáir 2010
Aifreann le tús a
chur le ‘Seachtain
na Scoileanna
Caitliceacha’

Paidreacha an Phobail

Ceiliúraí Tugaimid ár n-urnaí anois i láthair Dé a chruthaigh an uile dhuine againn ina íomhá féin ionas go líonfaimis an domhan uile lena ghrá is lena shíocháin.

Ar son na hEaglaise: go bhfeidhmeoimid le chéile mar lóchrann an dóchais, an chirt agus na macántachta.

A Thiarna Éist Linn

Ar son na gCríostaithe uile: go mbeidh ar ár gcumas freagra ceart a thabhairt do bhronntanais an Spioraid agus bheith mar fháithe lenár linn féin, ag saothrú le chéile ar mhaithe le saol a chruthú ina mbeidh meas ar chách agus beathú don uile dhuine.

A Thiarna Éist Linn

Ar son an Chreidimh: Go gcaithfimid ár saoil le croí géarchúiseach agus muinín againn i nDia an Ghrá.

A Thiarna Éist Linn

Ar son na Scoileanna Caitliceacha agus ar son gach duine páirteach san oideachas, na múinteoirí, na riarthóirí, na daltaí is na tuismitheoirí: go múnlóidh Spiorad Dé a gcroíthe ionas gur foinse dóchais agus solais a bheidh iontu don chomhlúadar chomh maith leis an bpobal.

A Thiarna Éist Linn

Ar son na bpáistí is na n-ógánach ar fad: go ndéanfar iad a chosaint i gcónaí, go dtugtar cabhair dóibh fás agus forbairt a dhéanamh trí ghaolta slána cothaitheacha.

A Thiarna Éist Linn

Ar son na n-easlán agus daoine i ngátar ag an am seo: Go bhfaighe siad neart ón ngrá atá mórthimpeall orthu agus go dtacóidh a muintir, an paróiste is an pobal ar fad go gníomhach leo.

A Thiarna Éist Linn

Ar son na ndaoine a fuair bás le déanaí, N & N ach go háirithe, agus na mairbh uile: Go mbeidh síocháin Chríost acu agus sinne ag gabháil buíochais as an saibhreas a bhronn siad ar ár saoil féin.

A Thiarna Éist Linn

Ceiliúraí A Thiarna Dia an Cruthaitheoir, cuirimid ár bpaidreacha id’ láthair trí Chríost do Mhac ár dTiarna, ár lóchrann is ár ndóchas. Éist linn agus tabhair freagra cuí ar na paidreacha a ofrálaimid trí Íosa Críost ár dTiarna.

Áiméan.

